


十誦律



三百十  
二

49846



佛日增輝  
 德念輪常轉  
 山城州天安寺法金剛院置

精  
 增  
 國  
 寶  
 印



十誦律卷第二

職

姚秦三藏弗若多羅共三藏鳩摩羅什譯

初誦之二

四波羅夷  
法之二

佛在跋耆國婆求摩河上是時佛語諸比丘  
修習不淨觀得大果大利諸比丘作是念世  
尊教我等修習不淨觀得大果大利我等當  
勤修習諸比丘作是念已勤修習不淨觀深  
懷厭惡慚愧是身譬如年少自喜嚴飾洗浴  
身體剪爪治鬚髮著好衣服以香塗身若以  
死虵若以死狗或以死人臭爛青瘀鳥獸所  
食膿血虫出以繫其頸厭惡臭尸深懷慚愧  
是諸比丘深修不淨觀故慚愧厭惡亦復如



是余時或有比丘發心欲死歎死求刀自殺  
或服毒藥或有自繫或投高巖或有比丘轉  
相害命有一比丘勤修不淨觀深得厭惡慚  
愧臭身便往鹿杖梵志所讚言善人汝能殺  
我與汝衣鉢時彼梵志即以利刀而斷其命  
有血汚刀持至婆求摩河上洒之有魔天神  
從水中出住水上讚梵志言善人汝得大福  
德是沙門釋子未度者度未脫者脫兼得衣  
鉢時彼梵志生惡邪見自謂審余便挾刀去  
從房至房從經行處至經行處唱言誰未度  
者我當度之誰未脫者我當脫之時諸比丘  
勤修不淨觀故厭惡臭身從任處出至梵志

所讚言善人可斷我命時彼梵志尋斷其命  
如是二三乃至六十以是因緣僧遂減少月  
十五日說戒時至衆僧減少佛知故問阿難  
言今說戒日衆僧都集何故減少阿難白言  
世尊一時教諸比丘深修習不淨觀得大果  
大利是諸比丘即勤修不淨觀厭惡臭身辟  
如年少自喜嚴飾洗浴身體剪爪治鬚髮著  
好衣服以香塗身若以死虵若以死狗或以  
死尸臭爛青瘀鳥狩所食膿血虫出以繫其  
頸是人厭惡深懷慚愧是諸比丘修不淨觀  
厭惡慚愧亦復如是尔時或有發心欲死歎  
死求刀自殺或服毒藥或有自繫或投高巖

或有比丘轉相害命有一比丘勤修不淨觀  
故深得厭惡慚愧臭身便往鹿杖梵志所讚  
言善人汝能殺我與汝衣鉢時彼梵志尋以  
利刀斷是比丘命有血汗刀持至婆求摩河  
上洗之有魔天神從水中出任水上讚梵志  
言汝得大福德是持戒沙門釋子未度者度  
未脫者脫兼得衣鉢時彼梵志即生惡邪見  
自謂審余便挾刀去從房至房從經行處至  
經行處即大唱言誰未度者我當度之誰未  
脫者我當脫之時諸比丘勤修不淨觀故深  
得厭惡慚愧臭身從任處出至鹿杖所讚言  
善人可斷我命時彼梵志尋斷其命如是二

三乃至六十故僧減少惟願世尊爲諸比丘  
說餘善道安樂行法無有馱惡諸惡法生即  
能除滅佛語阿難更有善道安樂行法無有  
馱惡諸惡法生即能除滅世尊云何善道安  
樂行法無有馱惡諸惡法生即能除滅  
佛告阿難有阿那般那念名爲善道安樂行  
法所以者何諸惡法生即能除滅無馱惡故  
世尊云何修習阿那般那念名爲善道安樂  
行法諸惡法生即能除滅無有馱惡佛語阿  
難若有比丘隨其所依城邑聚落止住晨朝  
持到著衣持鉢攝身諸根繫念一心入村乞  
食食已若在空中處若在樹下若在空舍敷尼

師壇正坐端身繫念在前除世貪嫉於他財  
物遠離貪著如是行者則能捨離瞋恚睡眠  
調戲疑悔是諸陰蓋能煩惱心使慧力羸不  
至沮慙是故當除若息入時當一心知入若  
息出時當一心知出若長若短若息入徧身  
當一心知從一切身入若息出徧身當一心  
知從一切身出除身行時當一其心念出入  
息受喜時受樂時受心行時除心行時當一  
其心念出入息覺心時令心喜時令心攝時  
令心解脫時當一其心念出入息觀無常觀  
變壞觀離欲觀滅盡觀捨離當一其心念出  
入息阿難是名善道安樂行法諸惡法生即



能除滅無有馱惡

尔時佛語諸比丘當勤修習阿那般那念得  
大果大利時諸比丘各作是念世尊為我等  
讚歎修習阿那般那念得大果大利我等當  
勤修習作是念已即勤修習阿那般那念便  
得無量種種知見作證佛知多有比丘得漏  
盡道成阿羅漢以是因緣集比丘僧種種呵  
責云何名比丘求刀自殺歎死教死種種呵  
已語諸比丘以十利故與諸比丘結戒從今  
是戒應如是說若比丘若人若人類故自奪  
命若持刀與教死歎死作如是言人用惡活  
為寧死勝生隨彼心所樂死種種因緣教死

歎死死者是比丘波羅夷不應共住奪命者  
自奪若教他奪是中云何犯罪比丘有三種  
奪人命波羅夷一者自二者教三者遣使自  
者自身作自身奪他命教者教語他言捉是  
人繫縛奪命遣使者語他人言汝識某甲不  
汝捉是人繫縛奪命是使隨語奪彼命時比  
丘得波羅夷復有三種奪人命一者用內色  
二者用非內色三者用內非內色內色者比  
丘用手打他若足若頭若餘身分作如是念  
令彼因死彼因死者是比丘波羅夷若不即  
死後因是死亦波羅夷若不即死後不因死  
偷蘭遮用非內色者若比丘以木瓦石刀稍

弓箭若木段白鐵段鉛錫段遙擲彼人作如是念今彼因死彼因死者波羅夷若不即死後因是死亦波羅夷若不即死後不因死偷蘭遮用內非內色者若比丘以手提木瓦石刀稍弓箭若木段白鐵段鉛錫段打他作如是念今彼因死彼因死者波羅夷若不即死後因是死亦波羅夷若不即死後不因死偷蘭遮復有比丘不以內色不以非內色亦不以內非內色爲殺人故合諸毒藥若著眼中耳中鼻中口中身上若著瘡中若著男女根中若著餅肉中羹飯粥中若被褥中大車小車臥具輦輿步挽車中作如是念今彼因死

彼因死者波羅夷若不即死後因是死亦波羅夷若不即死後不因是死偷蘭遮

復有比丘不以內色不以非內色亦不以內非內色亦不以毒藥爲殺人故作優多殺頭多殺作弼作羅作撥作毗陀羅殺半毗陀羅殺斷命殺墮胎殺按腹殺推著火中推著水中推著坑中若遣令去就道中死乃至胎中初受二根身根命根於中起方便殺優多者有比丘知是人欲此道來於中先作無煙火坑以沙土覆上若心念若口說以是人從此道來故我作是坑是名成優多若是人因是死者比丘得波羅夷若不即死後因是死亦

波羅夷若不即死後不因死偷蘭遮若比丘  
爲人作坑人死者波羅夷非人死者偷蘭遮  
畜生死者亦偷蘭遮若爲非人作坑非人死  
者偷蘭遮人死者突吉羅畜生死亦突吉羅  
若比丘爲畜生作坑畜生墮死波逸提若人  
墮死突吉羅非人墮死亦突吉羅若比丘不  
定爲一事作諸有來者皆令墮死人死者波  
羅夷非人死者偷蘭遮畜生死者波逸提都  
無死者偷蘭遮突吉羅是名優多頭多者有  
二種一者地二者木地頭多者若比丘作坑  
埋人脚踝若埋腓若腰若脅至頸如是  
埋已令爲蹴蹋令馬駱駝牛驢蹴蹋若令毒

地蜈蚣往嚙作如是念令彼因死彼因死者  
比丘得波羅夷若不即死後因是死亦波羅  
夷若不即死後不因是死偷蘭遮是名地頭  
多木頭多者有比丘穿木作孔若斫人脚相  
手枷頸如是繫已令爲馬駱駝牛驢蹠蹋若  
令毒蛇蜈蚣往嚙作是念令彼因死彼因死  
者波羅夷若不即死後因是死亦波羅夷若  
不即死後不因死偷蘭遮是名木頭多彌者  
有比丘知是人從此道來於中依樹依柱依  
石依壁若依木段白鐵段鉛錫段是中施彌  
若心念若口說爲是人從此道來故作彌令彼  
因死者比丘得波羅夷若不即死後因是死

亦波羅夷若不即死後不因死偷蘭遮若爲  
人作弼人死者波羅夷非人及畜生死者偷  
蘭遮若爲非人作弼非人死者偷蘭遮人及畜  
生死者突吉羅若爲畜生作弼畜生死者波  
逸提人及非人死者突吉羅若不定爲一事  
作諸有來者皆令墮死若人死者波羅夷非  
人死者偷蘭遮畜生死者波逸提都不死者  
偷蘭遮突吉羅是名爲弼竊者有比丘知是  
人從此道來若依樹依柱依櫬依石依壁依  
木段白鑽段鈿錫段是中施竊若心念若口  
說爲是人從此道來故作竊是事成彼因死  
者比丘得波羅夷若不即死後因是死亦波

羅夷若不即死後不因死偷蘭遮若比丘爲  
人故作鬻人死者波羅夷非人死者偷蘭遮  
畜生死者亦偷蘭遮爲非人作鬻非人死者  
偷蘭遮人及畜生死者突吉羅爲畜生作鬻  
畜生墮死波逸提人及非人死者突吉羅若比  
丘不定爲一事作鬻諸有來者皆令墮死若  
人死者波羅夷非人死者偷蘭遮畜生死者  
波逸提都無死者偷蘭遮突吉羅是名爲鬻  
撥者若比丘知是人從此道來若依樹依柱  
依椽依石依壁依木段白鐵段鉛錫段是中  
施機撥若心念若口說爲是人從此道來故  
作撥是撥事成彼因死者比丘得波羅夷若不即



死後因是死亦波羅夷若不即死後不因死  
偷蘭遮若比丘爲人故作撥人死者波羅夷  
非人及畜生死者偷蘭遮爲非人作撥非人  
死者偷蘭遮人及畜生死者突吉羅爲畜生  
作撥畜生死者波逸提人及非人死者突吉  
羅若比丘不定爲一事作撥諸有來者皆令  
墮死若人死者波羅夷非人死者偷蘭遮畜  
生死者波逸提都無死者偷蘭遮突吉羅是  
爲撥毗陀羅者有比丘以二十九日求全身  
死人召鬼呪尸令起水洗著衣著刀手中若  
心念若口說我爲某故作毗陀羅即誦呪術  
是名毗陀羅成若所欲殺人或入禪定或入

滅盡定或入慈心三昧若有大力呪師護念  
救解若有大力天神守護則不能害是作呪比  
丘先辦一羊若得芭蕉樹若不得殺前人者  
當殺是羊若殺是樹如是作者善若不尔者  
還殺是比丘是名毗陀羅半毗陀羅者有比丘三  
十九日作鐵車作鐵車已作鐵人作鐵人已召鬼  
呪鐵人令起水洗著衣繫刀著鐵人手中若  
心念若口說我為某故作是半毗陀羅讀是呪術是  
名半毗陀羅成若所欲殺人入禪定入滅盡定入慈  
心三昧若有大力呪師護念救解若有大力天神  
守護則不能害是作呪比丘先辦一羊若得芭蕉  
樹若不得殺前人者當殺是羊若殺是樹如是

作者善若不介者還殺是比丘是名半毗陀羅  
斷命者若比丘以二十九日牛屎塗地酒食  
著中燃火已尋著水中心念口說讀呪術言如  
火水中滅某甲人命亦如是滅若火滅時彼  
命隨滅又如比丘二十九日牛屎塗地酒食  
著中盡作所欲殺人形像作是像已尋還撥  
滅心念口說讀呪術言如是像滅彼命亦滅若  
像滅時彼命隨滅有如比丘二十九日牛屎塗  
地酒食著中以針刺衣角頭尋還拔出心念  
口說讀呪術言如是針出彼命隨出是針出  
時彼命隨出是名斷命墮胎者有比丘與有  
胎女人吐下藥灌鼻藥灌大小便處藥若針血

脉若出眼淚若消血藥作是念以是因緣令  
女人死死死者波羅夷若不即死後因是死亦  
波羅夷若不即死後不因是死偷蘭遮若是  
比丘為殺彼母故令墮胎若母死者波羅夷  
若胎死者偷蘭遮若俱死者波羅夷俱不死  
者偷蘭遮若比丘為殺胎故作墮胎法若胎  
死者波羅夷母死者偷蘭遮俱死者波羅夷  
俱不死者偷蘭遮是名墮胎按腹者有比丘  
使懷妊女人重作或擔重物教使在車前走若  
令上峻岸作是念以此因緣令女人死死者  
波羅夷若不即死後因是死亦波羅夷若不  
即死後不因是死偷蘭遮若比丘為母故按

腹母死者波羅夷胎死者偷蘭遮俱死者波羅夷俱不死者偷蘭遮若為胎故按腹胎死者波羅夷母死者偷蘭遮俱死者波羅夷俱不死者偷蘭遮是名按腹推墮火者推木火中草火中牛屎火中麴糠火中作如是念令彼因是死彼因是死者波羅夷若不即死後因是死者亦波羅夷若不即死後不因死偷蘭遮是名墮火推墮水者推大池中大海中深泉中陂水中大深井中深河渠中乃至回沒水中作如是念令彼因是死彼因死者波羅夷若不即死後因是死亦波羅夷若不即死後不因死偷蘭遮是名墮水高上推墮者高山高崖

殿舍牆壁深坑作如是念令彼因是死彼因死  
者波羅夷若不即死後因是死亦波羅夷若不  
不即死後不因死偷蘭遮遣令道中死者有  
比丘知是道中有惡賊惡狩飢餓遣令往至  
此惡道中作如是念今彼惡道中死死死者波羅  
夷若不即死後因是死亦波羅夷若不即死  
後不因死偷蘭遮是名遣令道中死乃至母  
胎中初得二根者謂身根命根歌羅羅時以殺  
心起方便欲令死死死者波羅夷若不即死後  
因是死亦波羅夷若不即死後不因死偷蘭  
遮佛語諸比丘求刀有二種一者自求二者  
教人求讚歎有三種一者惡戒人二者善戒

人三者病人惡戒人者殺牛殺羊養雞養豬放  
鷹捕魚獵師圍兔偷賊魁膾呪龍守獄有比  
丘到惡戒人所作如是言汝等惡戒人何以  
久作罪不如早死是人因是死者比丘得波  
羅夷若不即死者偷蘭遮若惡戒人作如是  
言我不用是比丘語不因死者比丘得偷蘭  
遮若比丘讚歎是人言令死便心悔作是念我  
何以教是人死還到語言汝等惡人或以善  
知識因緣故親近善人得聽善法能正思惟  
得離惡罪汝勿自殺若是人受比丘語不因死  
者比丘得偷蘭遮善戒者比丘比丘尼優婆  
塞優婆夷有比丘到諸善人所作如是言汝

持善戒是福德人若死便受天福汝等何不  
自奪命是人因是自奪命者比丘得波羅夷  
若不自奪命偷蘭遮若善戒人作是念我何  
以受是比丘語自奪命不因死者偷蘭遮若  
比丘教他死已心生悔言我不是何以教此  
善人死還往語言汝善戒人隨壽命住福德  
益多福德多故受福亦多莫自奪命不因死  
者偷蘭遮病者四大增減受諸苦惱比丘語  
是人言汝云何能久忍是苦惱何不自奪命  
因是死者比丘得波羅夷若不死者偷蘭遮  
若是病人作是念我何緣受是比丘語自奪  
命不因死者偷蘭遮若比丘心悔我不是何



以教此病人自殺還往語言汝等病人或得  
良藥善看病人隨病飲食病可得差莫自奪  
命病人不因死者偷蘭遮是名三種讚死  
迦留陁夷恒出入一居士舍晨朝時到著衣  
持鉢往至其舍是家婦有未斷乳兒持著牀  
上以氈覆之捨去迦留陁夷門下彈拍婦人  
出看言大德入坐此牀上迦留陁夷不看便  
坐兒上腸出大喚婦言此有小兒比丘身重  
小兒即死作是惡已還到寺中語諸比丘我今  
日作如是事諸比丘以是事白佛佛知而故問  
汝以何心作答言我不先看牀上便坐佛言  
無犯從今當先看牀榻坐處然後可坐若不

先看得到突吉羅又父子比丘共行憍薩羅國  
向舍衛城至險道中兒語父言疾行過此父  
隨兒語疾走乏死兒即生疑我將無犯波羅  
夷得逆罪耶是事白佛佛知故問汝以何心  
語兒比丘言我見日暮恐不過險道以愛重  
心語令疾行遂使乏死佛言無犯復有父子  
比丘共行憍薩羅國向舍衛城至一聚落無  
有僧坊兒問父言今何處宿父言聚落中宿  
兒言聚落中宿白衣何異父即語兒當何處  
宿兒言空地宿父言此有虎狼可畏我眠汝覺  
兒言尔即便卧父便斫眠虎聞斫聲便來嚙  
父頭破大喚兒即起看頭破尋死兒即生疑

我將無犯波羅夷得逆罪耶是事白佛佛言  
不犯應大喚然火怖之有一比丘日暮入險  
道值賊賊欲取比丘比丘捨走墮岸下織衣  
師上織師即死比丘心疑我將無犯波羅夷  
是事白佛佛言不犯波羅夷從今莫作如是  
身行阿羅毗國僧坊中壞故房舍比丘在屋上作  
手中失擊墮木師上木師即死比丘心疑我  
將無犯波羅夷是事白佛佛言不犯從今當  
一心執作復次阿羅毗國比丘僧房中壞故  
房舍比丘作時見擊中有蠍怖畏跳下墮木  
師上木師即死比丘心疑我將不犯波羅夷  
是事白佛佛言不犯從今莫起如是身行

佛在維耶離國夏安居時與大比丘衆時世  
飢饉乞食難得諸人妻子尚乏飲食何況與乞  
人佛以是因緣故集諸比丘而告之曰汝等  
當知此間飢餓乞食難得諸人妻子尚乏飲  
食何況與人汝等比丘隨所知識隨諸親里  
隨所信人往彼安居莫在此間以飲食故受  
諸苦惱時諸比丘隨所知識各往安居有諸  
比丘往憍薩羅國一處安居復有比丘到婆  
求摩河邊聚落安居是聚落中多諸貴人奴  
婢財寶穀米豐饒種種成就時河上安居比  
丘作是念今世飢餓乞食難得諸人妻子尚  
乏飲食況與乞人是聚落中多富貴家穀米

豐饒種種成就我等當到是諸家共相讚歎  
作是言居士當知汝等得大善利諸大比丘  
僧依汝聚落中安居故今此衆中某是阿羅漢  
某是向阿羅漢某是阿那含某是向阿那含某  
是斯陀含某是向斯陀含某是須陀洹某是向須  
陀洹某得初禪二禪三禪四禪某得無量慈  
心悲心喜心捨心某得無量空處識處無所  
有處非有想非無想處某得不淨觀某得阿那  
般那念諸比丘作是念已即入聚落到富貴  
家共相讚歎汝等當知得大善利福田衆僧  
依汝聚落安居今此衆中某是阿羅漢我亦  
是阿羅漢某向阿羅漢我亦向阿羅漢某是

阿那含我亦是阿那含某向阿那含我亦向  
阿那含某得斯施含我亦得斯施含某向斯  
施含我亦向斯施含某得須施洹我亦得須  
施洹某向須施洹我亦向須施洹某得初禪  
二禪三禪四禪無量慈心悲心喜心捨心空  
處識處無所有處非有想非無想處不淨觀  
阿那般那念我亦得初禪乃至阿那般那念  
彼諸居士即生清淨信心作如是念我等得  
大善利有大福田衆僧依我等聚落安居某得  
阿羅漢某向阿羅漢某得阿那含某向阿那  
含某得斯施含某向斯施含某得須施洹某  
向須施洹某得初禪二禪三禪四禪無量慈

心悲喜捨心空處識處無所有處非有想非  
無想處不淨觀阿那般那念是居士得是信  
心已今飢儉時乞食難得乃能如先豐樂易  
得時與衆僧作前食後食恒鉢那時婆求摩  
河邊安居比丘噉是飲食身體充滿得色得  
力肥盛潤澤諸佛在世法歲二時大會春末  
後月夏末後月春末月者諸方國土處處諸  
比丘來作是念佛所說法我等當安居時修  
習得安樂住是名初大會夏末月者諸比丘  
處處夏三月安居竟作衣畢持衣鉢詣佛所  
作是念我等久不見佛久不見世尊是第二  
大會尔時憍薩羅國安居比丘過夏三月作

衣畢持衣鉢遊行到維耶離國諸佛常法有  
共佛安居比丘有客比丘來當共往迎一心  
問訊與擔衣鉢開房舍示卧具處作是言此  
是汝等房舍麤毼繩牀細毼繩牀被褥枕席  
隨上座次第任尔時維耶離比丘遙見憍薩  
羅比丘來便共出迎一心問訊與擔衣鉢開  
房舍示卧具處作如是言此是汝等房舍麤  
毼繩牀細毼繩牀被褥枕席隨上座次第任  
問訊言汝等忍足安樂住乞食不之道路不  
疲耶憍薩羅比丘荅言我等忍足安樂住道  
路不疲但乞食難得維耶離比丘言汝實忍  
足安樂住道不疲乞食難得故汝等羸瘦



顏色憔悴。爾日。婆求摩河上比丘安居。竟作  
衣畢。遊行到維耶離。時維耶離比丘遙見婆  
求摩河比丘來。皆共出迎。一心問訊。與擔衣  
鉢。開房舍。示卧具處。作如是言。此是汝等房  
舍。麤毼繩牀。細毼繩牀。被褥枕席。隨上座次  
第。住問訊言。汝等忍足安樂。住乞食不乏。道  
路不疲。耶婆求摩河上比丘荅言。我等忍足  
安樂。住乞食不乏。但道路疲極。維耶離比丘  
言。汝實忍足安樂。住道路疲極。乞食不乏。何  
以故。汝等肥盛。顏色和悅。時維耶離比丘漸  
漸急。問汝等長老。今世飢儉。乞食難得。諸人  
妻子尚乏飲食。況能與人。汝等何因緣故安

居時氣力肥盛顏色和悅乞食不難時婆求  
摩河上比丘廣說如上因緣維耶離比丘問  
諸長老汝等所可讚歎實有是功德不答言  
實無維耶離比丘以種種因緣呵責婆求摩  
比丘汝所作事非沙門法不隨順道無欲樂  
心作不淨行出家之人所不應作汝不知佛  
世尊以種種因緣呵責妄語種種因緣讚歎  
不妄語佛常說法教人離妄語汝等尚不應  
生心作妄語想何況爲飲食故空無過人聖  
法自說言得如是種種因緣呵已向佛廣說  
佛以是事集比丘僧知而故問婆求摩比丘  
汝等實作是事不答言實作世尊佛以種種

因緣呵責婆求摩比丘汝等所作事非沙門  
法不隨順道無欲樂心作不淨行出家之人  
所不應作汝癡人不知我以種種因緣呵責  
妄語種種因緣讚歎不妄語我常說法教人  
離妄語汝尚不應生心作妄語想何況為飲  
食故空無過人法自說言得佛如是種種因  
緣呵已語諸比丘世間有三種大賊一者作  
百人主故在百人前百人恭敬圍遶二百三  
百四百五百人主故在五百人前五百人恭  
敬圍遶入城聚落穿踰牆壁斷道偷奪破城  
殺人是名初世間大賊二者有比丘用四方  
衆僧園林中竹木根莖枝葉花菓財物飲食賣

以自活若與知識白衣是名第二世間大賊  
三者有比丘爲飲食供養故空無過人法故  
作妄語自說言得若與百人恭敬圍遶至五  
百人恭敬圍遶入城聚落受他供養前食後  
食但鉢那是名第三世間大賊是中百人賊  
主在百人前恭敬圍遶二百三百四百五百  
人主在五百人前恭敬圍遶入城聚落穿踰  
牆壁斷道偷奪破城殺人此名小賊若有比  
丘用四方衆僧園林中竹木根莖枝葉花菓財  
物飲食賣以自活若與知識白衣是亦小賊  
佛言是第三賊於天人世間魔界梵世沙門  
娑羅門天人衆中最是大賊謂爲飲食故空

無過人法故作妄語自說言得若與百人至  
五百人恭敬圍遶入城聚落受他供養前食  
後食怛鉢那是名大賊佛說偈言

比丘未得道

自說言得道

天人中大賊

極惡破戒人

是癡人身壞

當墮地獄中

佛種種因緣呵責已語諸比丘以十利故與  
諸比丘結戒從今是戒應如是說若比丘不  
知不見空無過人法自言我得如是知如是  
見是比丘後時若問若不問貪著利養故不  
知言知不見言見空誑妄語是比丘波羅夷  
不共住

佛在舍衛國時憍薩羅國有空閑處諸比丘

住其中諸比丘因別相觀得定故貪欲瞋恚  
不起便作是念我已得道所作已辦是諸比  
丘到佛所自言我是阿羅漢生分已盡更不  
受身作是語已後近聚落僧坊中住數見女  
人故貪欲瞋恚便起是諸比丘作是言我曹  
辛苦痛惱本在空閑處時因別相觀得定故貪  
欲瞋恚不起便作是念我已得道所作已辦即  
到佛所自言我是阿羅漢我生分已盡更不受  
身今近聚落住數見女人故貪欲瞋恚便起  
我曹失比丘法燒比丘法我曹空無過人法  
自說言得是諸比丘語餘比丘餘比丘聞已  
向佛廣說佛以是事故集比丘僧以種種因

緣讚戒讚持戒讚戒讚持戒已語諸比丘從  
今是戒應如是說若比丘不知不見空無過  
人法自言我得如是知如是見後時或問或  
不問欲出罪故便言我不知言知不見言見  
空誑妄語除增上慢是比丘波羅夷不共住  
不知者過人法不知不得不見不觸不證不  
見者不見苦諦不見集諦滅諦道諦是中犯  
者若比丘說我是阿羅漢若不實犯波羅夷  
向阿羅漢不實犯波羅夷若阿那含不實犯  
波羅夷向阿那含不實犯波羅夷若斯陀含  
不實犯波羅夷向斯陀含不實犯波羅夷若  
須陀洹不實犯波羅夷向須陀洹不實犯波

羅夷若比丘言我得初禪二禪三禪四禪得  
無量慈心悲心喜心捨心空處識處無所有  
處非有想非無想處不淨觀得阿那般那念  
不實犯波羅夷乃至說我善持戒人姪欲不  
起若不實者偷蘭遮若比丘作是言諸天來  
至我所龍夜叉毗陀羅鬼餓鬼鳩槃荼鬼毗

舍遮鬼羅刹鬼來至我所彼問我答我問彼  
答若是事不實者比丘犯波羅夷乃至旋風  
土鬼來至我所若不實者偷蘭遮一時長老  
大目犍連在耆闍崛山入無所有處空定善取入定  
相不善取出定相從三昧起聞阿脩羅城中伎  
樂音聲聞已還疾入定作如是念我在定中



聞阿脩羅城中伎樂音聲從三昧起語諸比丘我在耆闍崛山入無所有處無色定聞阿脩羅城中伎樂音聲諸比丘語目連何有是處入無色定當見色聞聲何以故若入無色定破壞色相捨離聲相汝空無過人法故作妄語汝目連應擯治駈遣是事白佛佛語諸比丘汝等莫說目連犯罪何以故目連但見前事不見後事如來見前亦見後是目連在耆闍崛山入無所有處無色定善取入定相不善取出定相從定起聞阿脩羅城中伎樂音聲聞已還疾入定便自謂我入定聞聲若入無色定若見色若聞聲無有是處何以故

是人壞色相捨離聲相是故若目連空無過  
人法故妄語者亦無是處是目連隨心想說  
無罪有一比丘問長老目連多浮陀河水從何  
處來目連荅言此水從阿耨達池中來諸比  
丘言阿耨達池其水甘美有八功德此水沸  
熱鹹苦何有此事目連汝空無過人法故作  
妄語汝目連應擯治馱遣是事白佛佛語諸  
比丘汝等莫說目連是事犯罪何以故阿耨  
達池去此極遠是水本有八功德甘美經歷  
五百小地獄上來是故鹹熱汝等若問目連  
是水何故鹹熱能隨想荅目連實語無犯有  
一時目連入定見跋耆諸夜叉與摩竭隨夜

又共闢破摩竭陁夜又從定起已語諸比丘  
跋耆人當破摩竭陁人後阿闍世王善將兵  
眾破跋耆人諸比丘語目連汝先言跋耆人  
當破摩竭陁人今摩竭陁人破跋耆人汝空  
無過人法故作妄語汝目連應擯治駈遣是  
事白佛佛語諸比丘莫說目連是事犯罪何  
以故目連見前不見後如來見前亦見後是  
跋耆夜又與摩竭陁夜又共闢得勝時跋耆  
人亦破摩竭陁人後阿闍世王更集兵眾共  
戰得勝是目連隨心想說無犯目連又後入  
定見摩竭陁夜又與跋耆夜又共闢得勝目  
連從三昧起語諸比丘摩竭陁人當破跋耆

人後共鬪時跋耆人得勝諸比丘語目連汝  
先言摩竭陁人當破跋耆人今跋耆人更破  
摩竭陁人汝空無過人法故作妄語汝目連  
應擯治駈遣是事問佛佛語諸比丘莫說目  
連是事犯罪何以故目連見前不見後如來  
見前亦見後是摩竭陁夜叉與跋耆夜叉共  
鬪得勝時摩竭陁人亦勝跋耆人後跋耆人  
更集兵衆共鬪得勝目連隨心想說無犯  
有一時目連晨朝時到著衣持鉢入居士舍  
與敷座處共相問評居士言大德目連是妊  
身婦人爲生男女目連答言生男語已便去  
復有一梵志來入舍居士問言此妊身婦人

爲生男女答言生女後實生女諸比丘語目  
連汝先說居士婦生男今乃生女汝空無過  
人法故作妄語汝目連應擯治駢遣是事白  
佛佛語諸比丘莫說目連是事犯罪何以故  
目連見前不見後如來見前亦見後是時此  
女先是男後轉爲女目連隨心想說無犯後

復相他生女亦如是

尔時大旱目連入定見却後七日天當大雨  
溝坑滿溢諸城邑人皆聞是語咸大歡喜國  
中人民皆捨衆務覆屋蓋蔽各各屈指捉籌  
數日到第七日尚無雨氣何況大雨諸比丘  
語目連汝言七日大雨溝坑滿溢今無雨氣

何況有雨汝空無過人法故作妄語汝目連  
應擯治駈遣是事白佛佛語諸比丘莫說目  
連是事犯罪何以故目連見前不見後如來  
見前亦見後是七日時實有大雨有羅睺羅  
阿脩羅王以手接去置大海中目連隨心想  
說無犯又一時長老莎伽陀語諸比丘我入  
禪定能令阿鼻地獄上至阿迦賦吒天滿其  
中火諸比丘言何有是處聲聞弟子能作大  
火從阿鼻地獄極至梵世汝空無過人法故  
作妄語汝莎伽陀應擯治駈遣是事白佛佛  
語諸比丘莫說莎伽陀是事犯罪何以故若  
比丘依初禪修如意足得神通力從阿鼻地

獄上至阿迦賦吒天自在能滿中火若依初  
禪二禪三禪四禪亦如是是莎伽陀依止四  
禪善修如意足得大神通若念從阿鼻地獄  
上至阿迦賦吒天自在隨意能滿中火是莎  
伽陀實語無犯又一時長老輸毗陀語諸比  
丘我一念中能識宿命五百劫事諸比丘言  
何有是處聲聞弟子在一念中極多能知一  
世汝空無過人法故作妄語汝輸毗陀應擯  
治駢遣是事白佛佛語諸比丘莫說輸毗陀  
是事犯罪何以故是人前身從無想天命終  
來生此間無想天上壽五百劫是故自說我  
一念中能知五百劫事是輸毗陀隨心想說

無犯四波羅

十誦律卷第二

職

獸惡

故下一反

餽飾

二音式

爪

反之一

疥

去於

反青挾

胡帖反

調戲

上徒吊反

詞詭

許也

刀稍

下音

朐一長一丈八尺建兵車之上

白鏞

下郎反

鈆錫

上音綠反

下音

輦舉

下余預二音

涼

其向反

施

弓於路

紈

俱犬反

推著

上土反

撥

發音鉢也

蹠

玄瓦反

腋

音亦

踧躅

上秋六反

啮齧

吾結反

桁

反戶剛

木加足曰一名械

櫪

其月戶樁

峻岸

上私

藪

反也

上也芳無反

高崖

下魚

甫

音步

獵

良軒反

魁

膾

上古會反

得差

下癡也

氈

音牒

牀榻

上床



塔音軒音騰音汗音蠍許蛄蛄反反趾音躍音條音肥房非非莎蘇蘇蘇和和

下下正正滿滿益益一一下下夷夷焦焦頰頰反反上上才才搖搖反反下下才才迷迷穿穿踰踰

作作音音俞俞正正咸咸音音咸咸与与溝溝坑坑上上古古反反



